

1983

KUALA LUMPUR, 16 OKT (BERNAMA) -- PENYERAPAN NILAI-NILAI ISLAM TIDAK AKAN MENJEJAS MANA-MANA KEBUDAYAAN LAIN DAN TIDAK AKAN MERUPAKAN SATU TEKAMAN KEPADA ORANG BUKAN ISLAM DI NEGARA INI, TEGAS DATUK SERI DR. MAHATHIR MOHAMAD HARI INI.

PERDANA MENTERI BERKATA KERAJAAN YANG ADA SEKARANG TIDAK SANGGUP MEMBELAKANGKAN AJARAN ISLAM DAN MENGENAKAN PERATURAN ISLAM KE ATAS BUKAN ISLAM.

+OLEH ITU PENYERAPAN NILAI-NILAI ISLAM OLEH KERAJAAN TIDAK AKAN MENGHANCURKAN NILAI-NILAI LAIN YANG TERDAPAT DI MALAYSIA,+ TAMBAH BELIAU SEMASA MERASMIKAN PERHIMPUNAN AGUNG KE 31 MCA DI WISMA MCA DI SINI.

BELIAU JUGA MENJELASKAN KERAJAAN TIDAK BERNIAT UNTUK MEMAKSA ORANG BUKAN ISLAM MEMELUK ISLAM ATAU PATUH KEPADA UNDANG-UNDANG KELUARGA ISLAM.

DATUK SERI DR. MAHATHIR MEMBERI JAMINAN CUMA NILAI ISLAM YANG RATA-RATA SAMA DENGAN NILAI KAUM LAIN DI MALAYSIA YANG AKAN DISERAP OLEH KERAJAAN.

+OLEH ITU SAYA HARAP ISU INI TIDAK DIJADIKAN ISU POLITIK DALAM PARTI ATAU DI LUAR PARTI,+ TEGASNYA KEPADA LEBIH 2,000 ORANG ANGGOTA MCA DAN PARA PEMIMPIN KOMPONEN PARTI BARISAN NASIONAL YANG MENGHADIRI UPACARA ITU.

BELIAU KHUATIR JIKA ISU PENYERAPAN ISLAM ITU DIJADIKAN ISU POLITIK KEHARMONIAN DAN KEAMANAN DALAM NEGARA AKAN TERANCAM. -- LAGI

PM - ISLAM 2 KUALA LUMPUR

PERDANA MENTERI BERKATA ISLAM TIDAK MENYURUH UNDANG-UNDANG ISLAM DIPAKSA SUPAYA DITERIMA OLEH ORANG BUKAN ISLAM.

KATANYA, JIKALAU HARI INI TERDAPAT MANA-MANA NEGARA DI DUNIA YANG MENGUATKUASAKAN UNDANG-UNDANG ISLAM KE ATAS ORANG BUKAN ISLAM, INI BUKANLAH KERANA AJARAN AGAMA ISLAM, TETAPI ADALAH KERANA KEANGKUAHAN PEMERINTAHAN YANG SANGGUP MEMBELAKANGKAN AJARAN ISLAM YANG SEBENAR.

+KERAJAAN MALAYSIA YANG ADA SEKARANG TIDAK SANGGUP MEMBELAKANGKAN AJARAN ISLAM DAN MENGENAKAN PERATURAN ISLAM KE ATAS BUKAN ISLAM,+ TAMBAHNYA.

INI SELARAS DENGAN PERUNTUKAN DALAM PERKARA 3 PERLEMBAGAAN NEGARA YANG MENYEBUTKAN AGAMA ISLAM ADALAH AGAMA RASMI TETAPI AGAMA LAIN BOLEH DIAMALKAN DALAM AMAN DAN HARMONI DI MANA-MANA BAHAGIAN PERSEKUTUAN.

DATUK SERI DR. MAHATHIR BERKATA PERUNTUKAN ITU MENYEBABKAN KERAJAAN MENOLAK DESAKAN DARIPADA PIHAK-PIHAK TERTENTU SUPAYA UNDANG-UNDANG ISLAM DIKENAKAN KEPADA ORANG-ORANG BUKAN ISLAM.

BAGAIMANAPUN, JELASNYA JIKA ORANG ISLAM MAHU UNDANG-UNDANG ISLAM DIKUATKUASAKAN KE ATAS DIRI MEREKA, INI ADALAH HAK MEREKA.

+MEREKA JUGA BERHAK MEMBUAT INTERPRETASI MEREKA TERHADAP UNDANG-UNDANG ISLAM.+ -- LAGI 1225/MB

DATUK SERI DR. MAHATHIR BERKATA INI SAHAJA YANG DIMAKSUDKAN OLEH KERAJAAN DENGAN PENYERAPAN NILAI-NILAI ISLAM.

+TIDAK ADA HAK SESIAPA YANG DISENTUH... JIKA WANITA CINA HENDAK PAKAI CHEONGSAM TIDAK ADA KETEGAHAN, TETAPI KALAU HENDAK BERBOGEL DI JALAN, SAYA FIKIR ORANG CINAPUN TIDAK BOLEH TERIMA,+ TAMBAHNYA DENGAN SAMBUTAN KETAWA PARA PERWAKILAN.

++BEGITU JUGA DI HONG KONG BARU-BARU INI APABILA KERAJAAN PENJAJAH INGIN MEMBENARKAN PERHUBUNGAN ANTARA LELAKI DENGAN LELAKI MENGIKUT KEGEMARAN ORANG BRITISH, PENDUDUK CHINA DI HONG KONG MEMBUAT BANTAHAN.+

PERDANA MENTERI BERKATA ORANG ISLAMPUN SUDAH TENTU AKAN TURUT MEMPROTES DAN DI SINI DAPAT DILIHAT NILAI ISLAM ADALAH SAMA DENGAN NILAI ORANG CINA UMPAMANYA.

BELIAU MEMBERITAHU BAHAWA NILAI-NILAI ISLAM BUKAN BERMAKNA UNDANG-UNDANG ISLAM DAN SEBENARNYA NILAI-NILAI ISLAM TIDAK JAUH BERBEZA DARIPADA KONSEP BAIK-BURUK YANG UNIVERSAL.

APA YANG DIANGGAP BAIK OLEH ORANG-ORANG YANG WARAS JUGA DIANGGAP BAIK OLEH ISLAM, DAN YANG BURUK DIANGGAP BURUK.

+OLEH ITU PENYERAPAN NILAI-NILAI ISLAM OLEH KERAJAAN TIDAK AKAN MENGHANCURKAN NILAI-NILAI LAIN YANG TERDAPAT DI MALAYSIA. -- LAGI 1235/MB

DATUK SERI DR. MAHATHIR BIMBANG KERANA SEKARANG INI ADA TREND YANG TIDAK SIHAT DARI BARAT YANG BERTENTANGAN DENGAN NILAI ISLAM DAN JUGA NILAI-NILAI UNIVERSAL YANG MALANGNYA DITERIMA OLEH ORANG YANG WARAS.

+DI EROPAH SEKARANG INI ORANG BERBOGEL PUN BOLEH BERJALAN DI TENGAH-TENGAH BANDAR, PEREMPUAN BOLEH BERKAHWIN PEREMPUAN, LELAKI KAHWIN LELAKI, ADULTERY, SODOMY DAN LESBIANISM DITERIMA SEBAGAI PERKARA BIASA.

+HORMAT MENGHORMATI ANTARA MANUSIA SESAMA MANUSIA, ATAU PENGIKUT DENGAN PEMIMPIN TIDAK DIBERI KEUTAMAAN. KATA-KATA KOTOR SENGAJA DIGUNAKAN OLEH LELAKI DAN PEREMPUAN.+

MENURUT PERDANA MENTERI HISAP GANJA BAHKAN DADAH LAIN DIFANDANG SEBAGAI HAK ASASI MANUSIA DAN HAK INDIVIDU DIANGGAP LEBIH PENTING DARIPADA HAK MASYARAKAT.

+MENIMBULKAN KACAU-BILAU DALAM MASYARAKAT JUGA MENJADI HAK DAN AMANAH DAN BERPEGANG KEPADA JANJI TIDAK LAGI DIANGGAP PENTING OLEH MASYARAKAT BARAT.+

KATANYA, TREND DI BARAT INI SUDAH MENULAR KE TIMUR DAN KE NEGARA INI DAN RAMAI YANG BERPENDAPAT BAHAWA APA YANG DITERIMA OLEH BARAT BOLEH DITERIMA OLEH MASYARAKAT MALAYSIA.

DATUK SERI DR. MAHATHIR MENEGASKAN ISLAM TIDAK DAPAT MENERIMA NILAI-NILAI SEPerti INI DAN BELIAU YAKIN SEMUA ORANG YANG WARAS DARI APA JUGA AGAMA TIDAK BOLEH MENERIMA KERUNTUHAN AKHLAK SEPerti ITU.

+YANG BOLEH KITA SEMUA TERIMA IALAH NILAI-NILAI KEBUDAYAAN TIMUR YANG JUGA MERUPAKAN NILAI UNIVERSAL YANG ASLI DAN HAMPIR SEMUA NILAI-NILAI INI ADALAH SAMA DENGAN NILAI-NILAI ISLAM,+ TAMBAHNYA. -- BERNAMA 1230/MB